

Riachtanais le hAghaidh Úsáid na Matamaitice

Trasna an churaclaim, ag leibhéal atá fóirsteanach dá n-ábaltacht, ba chóir go gcuirfí ar chumas daltaí:

- na hábhair chúí, an trealamh cuí agus an mhatamaitic chúí a roghnú le húsáid i gcás ar leith;

- eolas agus coincheapa na matamaitice a úsáid go beacht;
- obair go córasach agus a gcuid oibre a sheiceáil;

- matamaitic a úsáid le fadhbanna a réiteach agus le cinntí a dhéanamh;
- modhanna agus straitéisí a fhorbairt, ar a n-áirítear an mheabhairmhatamaitic;

- smaointe a fhiosrú, tuartha a dhéanamh agus a thástáil agus smaoinemh go cruthaitheach;

- faisnéis a aimsiú agus a bhailiú;
- faisnéis a léamh, a léirmhíniú, a eagrú agus a chur i láthair i bhformáidí matamaitice;

- tuiscint agus teanga na matamaitice a úsáid le ceisteanna a chur agus a fhreagairt, le labhairt ar smaointe agus iad a phlé agus le modhanna oibre a mhíniú;

- ábaltacht airgeadais a fhorbairt;

- TFC a úsáid le fadhbanna a réiteach agus/nó lena gcuid oibre a chur i láthair.

ag baint úsáid as **Eolas agus Tuiscint** s'acu ar:

Uimhreas agus Ailgéabar

Cruth, Spás agus Tomhais

Láimhseáil Sonraí

Leibhéal de Dhul Chun Cinn in **ÚSÁID NA MATAMAITICE** trasna an churaclaim sna Gaelscoileanna: Eochairchéim 3

Úsáidtear na dathanna sa doiciméad seo le cuidiú leat dul chun cinn sna Riachtanais a leanúint trasna na leibhéil.

Lena Úsáid don Chéad Uair 2012/13

Leibhéal 1

I ngníomhaíochtaí struchtúrtha i gcomhthéacsanna coitianta inrochtana, tig le daltaí:

- labhairt ar na hábhair agus ar an trealamh atá ar fáil le gníomhaíocht a dhéanamh agus iad a úsáid;

- roinnt nodaireacht mhatamaitice a úsáid;
- eagar a léiriú ina gcuid oibre praiticiúla;

- labhairt ar dhóigheanna le gnáthfhadhbanna an lae a réiteach;
- straitéisí cuntais a úsáid agus gníomhaíochtaí ar siúl;

- patrúin a lorg agus labhairt orthu;

- an fhaisnéis atá de dhíth a bhailiú agus labhairt uirthi;
- a gcuid oibre a léiriú trí phictiúir agus réada a úsáid;

- teanga chúí mhatamaitice a úsáid le ceisteanna a fhreagairt faoina gcuid oibre;

- uimhreacha a fhad le 10 ar a laghad a úsáid, meastachán a dhéanamh orthu, iad a shuimiú agus a dhealú;
- neamhathraitheacht uimhris a thuiscint;
- réada, uimhreacha nó pictiúir a úsáid le patrúin athfhillteacha a chruthú agus le cur síos orthu;
- boinn a aithint agus a úsáid;

- an ghnáth-theanga a bhaineann le fad, 'meáchan', toilleadh agus achar a úsáid le cur síos ar thrí réad, le comparáid a dhéanamh eatarthu agus le hiad a chur in ord;
- imeachtaí coitianta a chur i seiceamh;
- bheith eolach ar laethanta na seachtaine agus a n-ord;
- amanna 'speisialta' ar an chlog a aithint;
- cruthanna 2T agus 3T a shórtáil agus tógálacha 2T agus 3T a dhéanamh agus cur síos a dhéanamh orthu;
- teanga a úsáid agus treoracha a leanúint, i gcásanna praiticiúla, maidir le suíomh agus gluaiseacht;

- fíor-réada a shórtáil agus a rangú de réir critéar amháin agus a athshórtáil de réir critéar eile, ag úsáid léaráidí Venn, Carroll agus Crainn;
- faisnéis a bhailiú agus a thaifeadadh ag úsáid fíor-réad nó línióchtaí.

Leibhéal 2

I ngníomhaíochtaí struchtúrtha i gcomhthéacsanna coitianta inrochtana, tig le daltaí:

- labhairt ar an dóigh le tabhairt faoi ghníomhaíocht;
- na hábhair, an trealamh agus an mhatamaitic a bheidh de dhíth a roghnú agus a úsáid;

- nodaireacht chúí mhatamaitice a úsáid;
- a gcuid oibre praiticiúla a eagrú agus an obair atá déanta acu a sheiceáil;

- straitéisí a úsáid le háirimh a dhéanamh ó mheabhair agus fadhbanna á réiteach/ gníomhaíochtaí ar siúl;

- patrúin agus gaolta a aithint agus tuartha a dhéanamh;

- an fhaisnéis atá de dhíth agus an dóigh lena bailiú a phlé;
- an fhaisnéis a chur i láthair go cuí agus labhairt ar a gcuid torthaí;

- teanga chúí mhatamaitice a úsáid le labhairt ar a gcuid oibre agus ceisteanna a fhreagairt;

- slánuimhreacha a fhad le 100 ar a laghad a léamh, a scríobh agus a chur in ord;
- a thuiscint gurb é ionad na dígte a léiríonn a luach;
- fíricí uimhreacha a fhad le 10 a thabhairt chun cuimhne go gasta;
- suimiú agus dealú taobh istigh de 20 ó mheabhair agus i bhfoirm scríofa;
- patrúin suimithe agus dealaithe a fhad le 20 a úsáid leis an ghaol idir suimiú agus dealú a fhiosrú;
- a thuiscint go bhfuil suimiú cómhálartach agus nach bhfuil dealú cómhálartach;
- suimiú agus dealú taobh istigh de 100;
- úsáid siombaile a thuiscint le huimhir anaithnid a chur in iúl;
- leatha agus ceathrúna a thuiscint agus a úsáid;
- gaolta idir na boinn uilig a fhad le €1 a thuiscint agus an t-eolas seo a úsáid le gníomhaíochtaí siopadóireachta a dhéanamh;

- aonaid neamhchaighdeánacha a aimsiú agus a úsáid le fad, 'meáchan', toilleadh agus achar a thomhas;
- an gá atá le haonaid chaighdeánacha a thuiscint agus bheith eolach ar na haonaid is coitianta a bhíonn in úsáid le fad, 'meáchan', toilleadh agus am;
- laethanta na seachtaine, míonna na bliana agus na séasúir a ainmniú agus a chur in ord;
- taispeántais shimplí dhigiteacha agus analógacha ar an chlog a léamh;
- cruthanna coitianta 2T agus 3T a aithint agus a ainmniú;
- cruthanna 2T agus 3T a shórtáil, ag tabhairt fáthanna leis an tsórtáil;
- teanga a úsáid agus treoracha a leanúint, i gcásanna praiticiúla, le haghaidh gluaiseachtaí casaidh;

- réada a shórtáil agus a rangú de réir dhá chritéar ag úsáid léaráidí Venn, Carroll agus Crainn;
- faisnéis a bhailiú agus táblaí simplí, blocghraif, picteagraim shimplí agus léaráidí a úsáid leis na torthaí a thaifeadadh;
- faisnéis a phlé agus a léirmhíniú.

Leibhéil de Dhul Chun Cinn in **ÚSÁID NA MATAMAITICE** trasna an churaclaim sna Gaelscoileanna: Eochairchéim 3

Úsáidtear na dathanna sa doiciméad seo le cuidiú leat dul chun cinn sna Riachtanais a leanúint trasna na leibhéal.

Leibhéal 3

I ngníomhaíochtaí struchtúrtha i gcomhthéacsanna coitianta inrochtana, tig le daltaí:

<ul style="list-style-type: none">dóigheanna difriúla le tabhairt faoi ghníomhaíocht a mholadh; na hábhair chúí, an trealamh cuí agus an mhatamaitic chúí a roghnú agus a úsáid;
<ul style="list-style-type: none">réimse de nodaireacht chúí mhatamaitice a úsáid; a gcuid oibre a eagrú agus bheith eolach ar an dóigh lena cruinneas a sheiceáil;
<ul style="list-style-type: none">matamaitic a úsáid le fadhbanna simplí dhá chéim a réiteach; réimse de straitéisí a úsáid le háirimh a dhéanamh ó mheabhair;
<ul style="list-style-type: none">patrúin agus gaolta a aimsiú agus a mhíniú agus tuartha a dhéanamh;
<ul style="list-style-type: none">an fhaisnéis atá de dhíth a aimsiú, a bhailiú agus a thaifeadadh; a gcuid torthaí a chur i láthair go soiléir agus réimse d’fhormáidí cuí matamaitice in úsáid acu; a gcuid torthaí a mhíniú;
<ul style="list-style-type: none">teanga chúí mhatamaitice a úsáid lena modh oibre a phlé, le cur síos air agus le ceisteanna a fhreagairt;

- slánuimhreacha a fhad le 1000 ar a laghad a thuiscint, a úsáid, a shuimiú agus a dhealú;
- coincheap an ionadluacha i slánuimhreacha a thuiscint agus a úsáid;
- fíricí uimhreacha a fhad le 20 a thabhairt chun cuimhne go gasta;
- dhá uimhir 2 dhigit a shuimiú agus a dhealú ó mheabhair taobh istigh de 100;
- garmheastachán a dhéanamh go dtí an 10 nó 100 is cóngaraí;
- patrúin shimplí uimhreacha taobh istigh den chearnóg 100 a aimsiú agus cur síos orthu;
- bheith eolach ar fhíricí iolraithe 2, 3, 4, 5 agus 10;
- a thuiscint go bhfuil iolrú cómhalartach;
- roinnt a fhiosrú agus a úsáid i gcásanna praiticiúla;
- codáin shimplí a thuiscint agus a úsáid i gcomhthéacs;
- scíleanna uimhris a úsáid i gcomhthéacs airgid a fhad le €10;

- aonaid chúí chaighdeánacha a roghnú agus a úsáid le fad, toilleadh, toirt, ‘meáchan’, am agus teocht a thomhas, a thaifeadadh agus le meastachán a dhéanamh orthu;
- uirlisí simplí tomhais a léamh le cruinneas cuí;
- achar cruthanna a fháil trí chearnóga iomlána agus leathchearnóga a chuntas;
- féilire a léamh agus a léirmhíniú;
- taispeántais dhigiteacha agus analógacha ar an chlog a léamh;
- cruthanna coitianta 2T agus 3T a aithint, a ainmniú agus cur síos a dhéanamh orthu;
- líne shiméadrachta amháin i gcruhanna coitianta 2T a aithint;
- teasaláidí a aithint trí ghníomhaíochtaí praiticiúla;
- dronuilleinneacha a aithint sa timpeallacht agus coincheap uillinne mar thomhas casaidh a thuiscint;
- tagairtí eangaí a úsáid i gcásanna praiticiúla;

- sonraí a bhaineann le tasc áirithe a bhailiú agus a thaifeadadh;
- barrachairteacha agus picteagraim a tharraingt agus a lipéadú;
- faisnéis ó tháblaí, ó phicteagraim, ó liostaí, ó bharrachairteacha, ó phíchairteacha simplí agus ó bhunachair shonraí a léamh agus a léirmhíniú.

Leibhéal 4

I ngníomhaíochtaí a bhfuil struchtúr áirithe acu, i gcomhthéacsanna agus i gcásanna coitianta agus in amanna neamhchoitianta, tig le daltaí:

<ul style="list-style-type: none">socrú ar an dóigh le tabhairt faoi ghníomhaíocht agus an cur chuige seo a chur i gcomparáid le cur chuige daltaí eile; na hábhair, an trealamh agus an mhatamaitic atá de dhíth a aimsiú agus a úsáid mar is cuí;
<ul style="list-style-type: none">réimse de theicnící cuí agus nodaireacht chúí mhatamaitice a úsáid; a gcuid oibre féin a eagrú agus a bheith ag obair go córasach; a gcuid oibre a athbhreithniú agus cruinneas a sheiceáil;
<ul style="list-style-type: none">réimse de straitéisí fadhbréitigh a úsáid; réimse de straitéisí éifeachtúla a úsáid le háirimh a dhéanamh ó mheabhair;
<ul style="list-style-type: none">patrúin agus gaolta a fhiosrú agus na torthaí a úsáid le tuartha a dhéanamh; ráitis ghinearálta a fhiosrú lena fháil amach cé acu atá siad fíor nó nach bhfuil;
<ul style="list-style-type: none">faisnéis ábhartha a aimsiú, a eagrú agus a léirmhíniú; faisnéis a chur i láthair go soiléir; modhanna cur i láthair a chur i gcomparáid lena chéile;
<ul style="list-style-type: none">teanga chúí mhatamaitice a úsáid lena gcuid oibre a phlé agus lena smaointeoireacht a mhíniú;

<ul style="list-style-type: none">slánuimhreacha taobh istigh de 10 000 a léamh, a scríobh agus a chur in ord; eolas ar ionadluach a úsáid le slánuimhreacha a iolrú faoi agus a roinnt ar 10 agus 100; ionadluach go dtí dhá ionad de dheachúlacha a thuiscint; garmheastachán a dhéanamh taobh istigh de 10 000 go dtí an 10, 100 agus 1000 is cóngaraí; meastachán a dhéanamh ar fhreagraí ar áirimh agus garmheastachán a dhéanamh trí shlánú; slánuimhreacha a shuimiú, a dhealú, a iolrú agus a roinnt agus réimse de mhodhanna ó mheabhair, scríofa agus áireamháin in úsáid; uimhreacha a bhfuil suas le dhá ionad de dheachúlacha iontu a shuimiú agus a dhealú; an gaol idir suimiú agus dealú a úsáid le háirimh a sheiceáil; bheith eolach ar fhíricí iolraithe a fhad le 10 x 10 agus fíricí gaolmhara roinnte a fháil dá réir; iolraithe agus fachtóirí a thuiscint agus a úsáid; codáin a úsáid le cur síos ar chainníochtaí; áirimh shimplí a dhéanamh le codáin aonadacha; coibhéis codán a thuiscint; céatadáin shimplí a thuiscint agus a úsáid; rialacha simplí a chuirtear in iúl i bhfocail a léirmhíniú agus a chur i bhfeidhm; taispeántas áireamháin a léirmhíniú agus fadhbanna airgid á réiteach; roghanna a dhéanamh maidir le caitheamh airgid agus le luach ar airgead a fháil; bheith eolach ar dhóigheanna éagsúla ar féidir íoc as earraí;

- fad, ‘meáchan’/mais, am agus teocht a thomhas agus meastachán a dhéanamh orthu, ag obair le cruinneas cuí;
- an gaol idir aonaid mhéadracha a thuiscint;
- tomhais choitianta a shuimiú agus a dhealú;
- meastachán a dhéanamh ar achar agus toirt cruthanna trí chearnóga/chiúbanna a chuntas;
- imlínte cruthanna simplí a fháil;
- taispeantáis dhigiteacha agus analógacha ar an chlog a thuiscint agus a úsáid, agus nodaireacht r.n., i.n. agus 24 uair in úsáid;
- airíonna cruthanna coitianta 2T agus 3T a fhiosrú;
- an gaol idir cruthanna 2T agus 3T a fhiosrú;
- línte siméadrachta a aithint agus a tharraingt i réimse de chruthanna 2T;
- bheith eolach ar ocht n-airde an chompáis;
- an teanga a bhaineann le línte, uillinneacha agus suíomh a thuiscint agus a úsáid;
- comhordanáidí sa chéad cheathrú a úsáid;

- sonraí a bhailiú, a ghrúpáil, a thaifeadadh agus a chur i láthair ag baint úsáid as rangeatraimh a cuireadh ar fáil;
- sonraí a chur i láthair agus a léirmhíniú agus réimse de ghraif, de tháblaí, de léaráidí, de scarbhileoga agus de bhunachair shonraí in úsáid;
- teanga na dóchúlachta a thuiscint agus a úsáid.

Lena Úsáid don Chéad Uair 2012/13

Leibhéal 5

I ngníomhaíochtaí a bhfuil struchtúr áirithe acu, i gcomhthéacsanna agus i gcásanna coitianta agus in amanna neamhchoitianta, tig le daltaí:

<ul style="list-style-type: none">socrú ar an dóigh le tabhairt faoi ghníomhaíocht agus í a phleanáil; na hábhair, an trealamh, an mhatamaitic agus na straitéisí atá de dhíth a aimsiú agus a úsáid go héifeachtúil;
<ul style="list-style-type: none">réimse de theicnící cuí agus nodaireacht chúí mhatamaitice a úsáid; a gcuid oibre a phleanáil agus a dhéanamh go córasach agus go héifeachtúil; a gcuid oibre a athbhreithniú, a mheas cé acu atá a gcuid torthaí réasúnta nó nach bhfuil agus athruithe a dhéanamh nuair is cuí;
<ul style="list-style-type: none">réimse de straitéisí fadhbréitigh a úsáid, cur chuige éagsúil a mholadh agus a thriail nuair a bhíonn deacrachtaí ann;
<ul style="list-style-type: none">tuartha a dhéanamh agus a thástáil; ráitis ghinearálta bunaithe ar a gcuid torthaí a dhéanamh agus iad a thástáil trí shamplaí nua a úsáid; a gcuid torthaí a achoimriú;
<ul style="list-style-type: none">faisnéis atá oiriúnach agus dóthanach don ghníomhaíocht a aimsiú, a fháil, a phróiseáil agus a léirmhíniú; faisnéis a chur i láthair go cruinn cuí, úsáid teanga, siombailí agus léaráidí na matamaitice san áireamh;
<ul style="list-style-type: none">teanga chúí mhatamaitice a úsáid le smaointe a chur i bhfocail agus a chur in iúl go beacht;

<ul style="list-style-type: none">slánuimhreacha ar bith, dá mhéad iad, a léamh, a scríobh agus a chur in ord; eolas ar ionadluach a úsáid le huimhreacha a iolrú faoi agus a roinnt ar 10, 100 agus 1000; ionadluach go dtí trí ionad de dheachúlacha a thuiscint; uimhreacha deachúlacha a shlánú go dtí an tslánuimhir is cóngaraí; uimhreacha a bhfuil suas le dhá ionad de dheachúlacha iontu a iolrú faoi nó a roinnt ar shlánuimhir; áirimh a sheiceáil trí oibríochtaí inbhéartacha a chur i bhfeidhm; uimhreacha diúltacha a thuiscint agus a úsáid i gcomhthéacsanna praiticiúla; uimhreacha cearnacha, uimhreacha ciúbacha agus uimhreacha príomha a thuiscint agus a úsáid; an gaol idir codáin choitianta, deachúlacha agus céatadáin a thuiscint; codáin agus céatadáin de chainníochtaí a ríomh, airgead san áireamh; tuiscint ar choibhéis a úsáid le codáin a shuimiú agus a dhealú; rialacha le seichimh a dhéanamh a chumadh i bhfocail agus/nó i bhfoirm shiombalach agus iad a úsáid; foirmlí a chur in iúl i bhfocail agus/nó i bhfoirm shiombalach agus iad a úsáid; roghanna eolasacha a dhéanamh ar bhuiséadú agus ar chaiteachas pearsanta;

- aonad méadrach amháin a athrú ina aonad méadrach eile;
- na ceithre oibríocht a úsáid le fadhbanna a bhaineann le tomhais a réiteach;
- achar cearnóg, dronuilleog agus triantán dronuilleach agus toirt ciúbanna agus ciúbóideach a ríomh;
- imlíne réimse de chruthanna a fháil;
- scála a thuiscint agus a úsáid i gcomhthéacs léarscáileanna agus líníochtaí simplí;
- amchláir a léamh agus a léirmhíniú;
- cur síos ar airíonna cruthanna 2T rialta agus neamhrialta i dtéarmaí sleasa, uillinneacha, siméadrachta agus teasaláidí;
- cruthanna 2T a fhrithchaitheamh i líne;
- cur síos ar airíonna cruthanna 3T i dtéarmaí aghaidheanna, faobhar agus reann;
- líonta de chruthanna 3T a tharraingt;
- meastachán a dhéanamh ar uillinneacha suas le 360 céim, iad a thomhas, a tharraingt agus a lipéadú;

- sonraí a bhailiú, a eagrú, a thaifeadadh agus a léiriú;
- leathán bailithe sonraí a dhearadh agus a úsáid;
- réimse de ghraif, de tháblaí, de léaráidí, de scarbhileoga agus de bhunachair shonraí a dhéanamh, a lipéadú agus a léirmhíniú;
- meán agus raon a thuiscint, a ríomh agus a úsáid;
- teagmhais a chur in ord dealraitheachta.

Leibhéal de Dhul Chun Cinn in **ÚSÁID NA MATAMAITICE** trasna an churaclaim sna Gaelscoileanna: Eochairchéim 3

Úsáidtear na dathanna sa doiciméad seo le cuidiú leat dul chun cinn sna Riachtanais a leanúint trasna na leibhéal.

Leibhéal 6

Trí phlé, gnáthfhadhbanna agus fadhbanna neamhghnácha a réiteach, agus a neamhspleáchas ag méadú i réimse leathan de chomhthéacsanna agus de chásanna coitianta agus neamhchoitianta, tig le daltaí:

- gníomhaíocht a phleanáil trí chéimeanna comhpháirte a aimsiú agus a chur in ord;
- réimse d'ábhair/trealamh, teicnící matamaitice agus straitéisí fadhbréitigh atá de dhíth le cuspóir na ngníomhaíochtaí a chur i gcrích a mheas agus a aimsiú;

- réimse de theicnící cuí agus nodaireacht chúí mhatamaitice a úsáid;
- a gcuid oibre a dhéanamh go córasach agus go héifeachtúil le méid cruinnis chúí;
- a gcuid oibre a athbhreithniú, agus gnáthaimh seiceála chúí in úsáid agus a n-éifeachtacht a mheas ag gach céim;

- an cur chuige acu a oiriúnú de réir mar is gá;

- tuartha a dhéanamh agus a thástáil, ráitis ghinearálta a dhéanamh agus tátal a bhaint;

- faisnéis ó réimse d'fhoinsí a fháil, a phróiseáil agus a léirmhíniú;
- réimse de dhóigheanna oiriúnacha a úsáid le torthaí a chur in iúl, ag cloí le gnásanna aitheanta;

- teanga/nodaireacht chúí mhatamaitice a úsáid lena gcuid oibre a chur in iúl agus a mhíniú do spriocghrúpa níos leithne;

- áirimh a dhéanamh le slánuimhreacha ar bith, dá mhéad iad;
- deachúlacha a shuimiú, a dhealú, a iolrú agus a roinnt;
- uimhreacha a shlánú go dtí líon áirithe ionad de dheachúlacha;
- ord tosaíochta in áirimh uimhriúla a thuiscint agus a úsáid, agus úsáid lúibíní san áireamh;
- fréamhacha cearnacha a thuiscint agus a ríomh;
- cóimheas agus comhréir a thuiscint, a úsáid agus a ríomh;
- codáin a shuimiú agus a dhealú, uimhreacha measctha san áireamh;
- coibhéisí idir codáin, deachúlacha agus céatadáin a úsáid le fadhbanna a réiteach;
- méadú agus laghdú céatadánach a ríomh i gcomhthéacsanna ábhartha;
- foirmlí cuí a úsáid;
- nodaireacht ghnásúil a úsáid in ailgéabar;
- graif a bhaineann le cásanna fóra a úsáid agus a léirmhíniú;
- coincheapa matamaitice a chur i bhfeidhm i réimse de chásanna airgeadais;

- tomhais ina n-aonaid mhéadracha agus, nuair is cuí, ina n-aonaid impiriúla, a úsáid, a athrú agus a ríomh;
- imlíne agus achar cruthanna ilchodacha atá déanta de chearnóga, dronuilleoga agus triantáin a ríomh;
- achar dromchla agus toirteanna ilchodacha ciúbanna agus ciúbóideach a ríomh;
- imlíne agus achar ciorcal a ríomh;
- scála a úsáid le toisí a oibriú amach;
- tomhais chomhshuite a thuiscint agus a úsáid;
- léiriúcháin 2T de chruithanna 3T a aithint;
- comhordanáidí sna ceithre cheathrú a úsáid;

- modhanna éagsúla a úsáid le sonraí scoite agus sonraí leanúnacha a bhailiú agus a thairfeadh;
- sonraí scoite agus sonraí leanúnacha a úsáid le léaráidí agus graif éagsúla a dhéanamh agus iad a léirmhíniú;
- an t-airmheán agus an mód a fháil agus a úsáid;
- an meán, an t-airmheán agus an mód de dháileadh minicíochta a mheas;
- tomhas amháin ar an mheán a úsáid le dhá thacar de shonraí a chur i gcomparáid;
- scála na dóchúlachta ó 0 go dtí 1 a thuiscint agus a úsáid le dealraitheacht nó comparáideacht a chur in iúl.

Leibhéal 7

Trí phlé, gnáthfhadhbanna agus fadhbanna neamhghnácha a réiteach, agus a neamhspleáchas ag méadú i réimse leathan de chomhthéacsanna agus de chásanna coitianta agus neamhchoitianta, tig le daltaí:

- gníomhaíocht a phleanáil, agus na fáthanna ar roghnaigh siad struchtúr agus cur chuige áirithe a mhíniú;
- na hábhair/trealamh, teicnící matamaitice agus straitéisí fadhbréitigh atá de dhíth a mheas agus a aimsiú agus cosaint áirithe a bheith ann;

- réimse de theicnící cuí agus nodaireacht chúí mhatamaitice a úsáid;
- athbhreithniú criticiúil a dhéanamh ar a rathúla a bhí a gcuid gníomhaíochtaí, seiceáil a oiriúnaí atá leibhéal a gcruinnis agus a gcuid torthaí, agus srianta ar bith a mheas;

- roinnt cur chuige eile a mheas agus a oiriúnú de réir mar is gá;

- tuartha a dhéanamh agus a thástáil agus na teoiricí ginearálta acu a chosaint;

- sonraí/faisnéis ó níos mó ná foinse amháin a mheas, a aimsiú, a fháil agus a anailísiú;
- na modhanna is cuí a roghnú agus a úsáid le torthaí a chur in iúl, ag cloí le gnásanna aitheanta;

- teanga/nodaireacht chúí mhatamaitice a úsáid lena gcuid torthaí nó lena gcuid réiteach a mhíniú agus a chosaint;

- ardfheidhmeanna áireamháin a úsáid le háirimh chasta a dhéanamh;
- uimhreacha a shlánú go dtí líon cuí ionad de dheachúlacha agus d'fhigiúirí bunúsacha;
- na ceithre oibríocht a úsáid le codáin;
- an bhunchainníocht a fháil nuair a thugtar an toradh ar athrú céatadánach;
- athrú comhréireach leantach a ríomh;
- cothromóidí líneacha a fhoirmliú;
- sloinn, cothromóidí agus foirmlí simplí ailgéabair a ionramháil;
- dhá chothromóid líneacha a réiteach go comhuaineach trí ghráf a tharraingt;
- cinntí eolasacha a bhaineann le hairgead a dhéanamh;

- áirimh faid agus achar a dhéanamh ar chruithanna ilchodacha agus áirimh a bhaineann leis an chiorcal san áireamh;
- fadhbanna casta a bhaineann le himlíne, le hachar dromchla agus le toirt a réiteach;
- a thuiscint gurb ionann an lamháil earráide agus leath an aonaid tomhais;
- cruth 2T a mhéadú de réir fachtóir scála áirithe;
- treo-uillinneacha 3 fhigiúr a úsáid le treo a shainmhíniú;
- Teoirim Phíotágaráis a thuiscint agus a chur i bhfeidhm;

- a gcuid fiosrúcháin féin a dhéanamh agus modhanna cuí bailithe sonraí in úsáid, agus a gcuid torthaí a léirmhíniú agus a léiriú;
- tacair de shonraí leanúnacha a úsáid le táblaí agus léaráidí minicíochta a dhéanamh agus iad a léirmhíniú;
- meastachán a dhéanamh ar mheán tacar sonraí grúpáilte agus teorainneacha an ghrúpa airmheánaigh agus an ghrúpa mhódúil a aimsiú;
- an meán is cuí (meán, airmheán nó mód) a roghnú le haghaidh fiosrúcháin áirithe;
- minicíocht choibhneasta a thuiscint agus a úsáid mar mheastachán dóchúlachta, agus an mhinicíocht ionchais a ríomh;
- a gcuid eolais ar rialacha na dóchúlachta a chur i bhfeidhm le toradh nó teaghlaim de thorthaí a ríomh.